

Набий соллаллоҳу алайҳи васалламнинг мо­лу мулк­лари ум­мат­ла­ри­га­ди­р



11:00 / 23.03.2020 3540

هه لعل هلل لى لصل هلل لول لوسر ركزت ام لاق هنع هلل لى ضر رراخل لن ب ورمع نع
ءاضى بل اله تلعب ال ءءاش ال وءم ال وءب ع ال واران يد ال و ام هرد هوم ذنع ملس و
ءىئ اسن ل او ءة الل ل ه اور ءة قءص ال ع ج اضر او ءح ال سن و

Амр ибн Ҳорис розияллоҳу анҳудан ривоят қилинади:

«Росуллоҳ соллаллоҳу алайҳи васаллам вафот этган вақтларида дирҳам ҳам, динор ҳам, қул ҳам, чўри ҳам, қўй ҳам қолдирмадилар. Фақатгина оқ хачирлари, силоҳлари ва садақа қилган ерлари қолди».

Учовлари ва Насайй ривоят қилганлар.

Демак, Пайғамбаримиз соллаллоҳу алайҳи васалламдан кейин қолган нарса бор-йўғи урушда ишлатиладиган силоҳ ва битта урғочи оқ хачир бўлган. Фатҳ қилинган ерлардан кўп қатори теккан улушларини садақа – вақф қилиб қўйган эдилар. Мория Қибтия онамиз Иброҳим розияллоҳу анҳуни туққанлари учун чўри эмас, Умму Валад бўлганлар. У киши Пайғамбаримиз соллаллоҳу алайҳи васалламнинг вафотлари билан ўз-ўзидан ҳур бўлиб қолганлар.

Пайғамбаримиз соллаллоҳу алайҳи васаллам садақа қилган ерлар Фадак ерининг ярми, Қуро водийсининг учдан бири, Хайбар, Бани Назирдан ўзларига теккан улуш ерлар эди.

«Ҳадис ва ҳаёт» китобидан